



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De bono regimine in externis, & recursu ad Deu[m] in periculis. XXXVIII

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

396 DE IMITATIONE CHRISTI
tingent; nisi integra resignatione, & quotidiana sui immolatione
prius facta, sine qua non stat nec stabit vnio fructuua.

Matth. 16.

3. Dixi tibi s̄ampissimè, & nunc iterū dico: Relinque te, resigna
te, & frueris magna interna pace. Da totum pro toto, nil exquirere,
nil repele; sta purè & inhæsitanter in me, & habebis me. Eris li-
ber in corde, & tenebrae non conculcabunt te. Ad hoc conare,
hoc ora, hoc desidera; vt ab omni proprietate possis expoliari, &
nudus nudum Iesum sequi; tibi mori, & mihi æternaliter vivere.
Tunc deficent omnes vanæ phantasie, conturbationes iniquæ,
& curæ superfluæ. Tunc etiam recedet immoderatus timor, &
inordinatus amor morietur.

C A P V T XXXVIII.

De bono regimine in externis, & recursu ad Deum in periculis.

1. Fili, ad istud diligenter tendere debes, vt in omni loco &
etione seu occupatione externa, sis intimus liber, & tuip-
fius potes; & sint omnia sub te, & tu sub eis; vt sis dominus actio-
num tuarū & rector, non seruus nec emptitius; sed magis exēptus
verusque Hebreus, in sortem ac libertatem transiens filiorum
Dei, qui stant super præsentia, & speculantur æterna; qui transi-
toria sinistro intuentur oculo, & dextro cælestia; quos tempora-
lia non trahunt ad inhærendum, sed trahunt ipsi magis ea ad be-
ne seruiendum; prout inordinata sunt à Deo, & instituta à sum-
mo opifice, qui nil inordinatum in sua reliquit creatura.

Exod. 35.

2. Si etiam in omni euētu stas, non in apparētia externa, nec
oculo carnali lustras visa vel audita: sed mox in qualibet causa,
intras cum Moysē in tabernaculum ad consulendum Dominum,
audies nonnunquam diuinum responsum, & redies instructus de
multis præsentibus & futuris. Semper enim Moyses recursum
habuit ad tabernaculum, pro dubijs & quæstionibus soluendis;
fugitque ad orationis adiutorium, pro periculis & improbitati-
bus hominum subleuandis. Sic & tu configere debes in cordis
tui secretarium, diuinum intentiū implorando suffragium. Pro-
pterea nāque Iosue & filij Israël à Gabaonitis leguntur decepti;
quia os Domini prius non interrogauerunt, sed nimium creduli
dulcibus sermonibus, falsa pietate delusi sunt.

C A P V T XXXIX.

Quod homo non sit importunus in negotijs.

1. Fili, committe mihi semper causam tuam, ego bene disponā
in tempore suo. Expecta ordinationē meam, & senties in-
de profectum. Domine, fatis libenter tibi omnes res committe,
quia

